

BASES REGULADORAS DO DESFILE E O CONCURSO DE DISFRACES DO ENTROIDO DE A POBRA DE TRIVES 2020

1.- OBXECTO.

É obxecto das presentes bases é regular a participación no desfile e no concurso de disfraces que se celebrará o día 25 de febreiro, e que organiza o Concello de A Pobra de Trives.

2.- PARTICIPANTES.

2.1.- Poderán participar no desfile todas aquelas persoas e colectivos interesados, sen límite de idade.

2.2.- As persoas concursarán na categoría INDIVIDUAL (entenderase por individual a participación de entre 1 e 5 persoas) ou COMPARSA (considerase comparsa a un grupo cunha mesma temática para os disfraces cun mínimo de 6 persoas), optando exclusivamente a un premio.

3.- INSCRICIÓN

3.1.- A inscrición poderase realizar cubrindo un formulario no que se recollerán os datos necesarios, o número de compoñentes e a categoría inscrita o mesmo día do concurso ata 15 minutos antes de dar comezo o desfile.

4.- NORMAS DE PARTICIPACIÓN.

4.1.- Establécense 2 categorías: INDIVIDUAL ou COMPARSAS. A cada categoría outorgáraselle tres premios.

4.2.- Cada participante só poderá concursar nunha única categoría, a recollida na inscrición que antes presentara.

4.3.- O xurado disporá dunha táboa para a valoración dos disfraces. Os seus integrantes disporán do tempo do desfile para realizar a valoración dos diferentes participantes.

4.4.- Os resultados das votacións farase público nas R.R.S.S. do Concello esa mesma noite e publicamente o rematar o desfile perante os participantes.

4.5. - Os participantes no desfile comprométense a responsabilizarse das accións ou omisións que se produzan durante o mesmo, eximindo á organización de calquera tipo de responsabilidade por ditos actos.

4.6.- Os participantes que leven carrozas, serán responsables dos mesmos e das autorizacións que se lle puidesen requirir ao seu efecto, sendo responsables á súa vez da seguridade dos mesmos. Será obrigatorio presentar a documentación (seguro, carta de circulación, et do vehículo e a plataforma móbil actualzuada e en vigor así como o R.C. necesario no caso de ser unha plataforma móbil para poder participar.
Nos camións colocarán "faldóns ríxidos" nas rodas a fin de evitar que ningunha persoas (sobre todo cativos) poidan meterse baixo delas.

4.7.- Queda totalmente prohibido o uso de petardos, esprais ou lanzamento de obxectos perigosos ao público.

5.- XURADO E CRITERIOS.

5.1.- Ningún xuíz ou xuíza pode participar no desfile.

5.2.- O xurado estará composto por un mínimo de 3 persoas.

5.3.- O xurado deberá valorar:

- a. Estética, orixinalidade e creatividade dos disfraces.
- b. Posta en escena (interacción co público, coreografía, etc.)
- c. Elaboración propia/artesanal.
- d. No caso das carrozas, estética, orixinalidade e creatividade da mesma.

Cada criterio valorarase de 0 a 10 puntos para obter a puntuación final. Ao remate do desfile os compoñentes do xurado entregarán as táboas aos organizadores. As premiadas e premiados esbleceráanse segundo as puntuacións totais obtidas, despois da suma das valoracións parciais de cada compoñente do xurado.

5.6.- A valoración só se poderá facer durante o percorrer do desfile. Unha vez rematado, calquera valoración será desestimada.

6.- PREMIOS.

6.1.- Os premios para o concurso de disfraces do Entroido 2020 serán divididos da seguinte maneira:

- PREMIOS INDIVIDUAIS: Un primeiro premio de 100€, un segundo de 75€ e un terceiro de 50€.
- PREMIOS COMPARSAS: Un primeiro premio de de 300€, un segundo de 150€ e un terceiro de 100€.

6.2.- Os participantes premiados recibirán un diploma polo importe do premio. Con este documento será necesario presentarse no Concello en horario de 09:00 h. a 14:00 h., de luns a venres, coa seguinte documentación:

a. No caso do premio da categoría INDIVIDUAL:

- Copia do D.N.I. do gañador.
- Certificado bancario (IBAN) do número de conta da persoa gañadora ou do titor.

b. No caso do premio da categoría COMPARSA:

- Documento de acreditación de representación do grupo firmado por todos os integrantes.
- Certificado bancario (IBAN) do número de conta da persoa que represente o grupo para o cobro do premio.

7.- CONFORMIDADE.

Todas e todos os participantes, polo feito de selo, aceptan as presentes bases na súa totalidade. A organización realizará unha cobertura fotográfica dos diferentes momentos do desfile e do concurso de disfraces. Os participantes, mediante a súa inscrición, consentirán a cesión da súa imaxe para as fotografías que se realizarán durante a celebración do concurso. As fotografías serán empregadas polo Concello de A Pobra de Trives con fins divulgativos e para a promoción das súas actividades nas súas R.R.S.S. e páxinas web oficiais.

8.- ÓRGANO COMPETENTE.

O órgano competente para a ordenación, instrución e resolución do procedemento derivado das presentes bases será a Alcaldía de A Pobra de Trives.